

Vegagerðin  
Suðurhraun 3  
210 Garðabær

13. febrúar 2026  
UOS-3374

## Efni: Samþykkt úrbótaáætlun

Umhverfis- og orkustofnun vísar í bréf sitt frá 18. desember 2025, þar sem fram kom að frávik hefur verið skráð í eftirlit í Vegagerðinni á Reyðarfirði, þann 30. október 2025. Þann 13. febrúar 2026 barst úrbótaáætlun rekstraraðila.

### Frávikin eru eftirfarandi:

1. Frávik í eftirliti árið 2024 frá gr. 2.3 í starfsleyfi. Rekstraraðili skal koma í veg fyrir að geymar yfiryllist, t.d. með viðeigandi tækjabúnaði og/eða verklagsreglum. Bæði tækjabúnaður og verklagsreglur voru til staðar en nýttust ekki. Í úrbótaáætlun rekstraraðila kemur fram að unnið hafi verið að endurbótum á verklagi og reglum í samráði við öryggisstjóra og verkefnastjóra umhverfismála hjá Vegagerðinni. Gert sé ráð fyrir að endurskoðaðar verklagsreglur liggi fyrir í byrjun febrúar 2025. Þetta hefur hins vegar ekki verið framkvæmt og frávikið stendur því enn.  
*Uppfærðar verklagsreglur hafa verið teknar í notkun. Fráviki lokað.*
2. Frávik í eftirliti árið 2024 frá gr. 2.6 í starfsleyfi. Skrá skal alla þjálfun starfsmanna í rekstrarhandbók stöðvarinnar. Skráningar um þjálfun eftirlitsmanna voru ekki til staðar og var rekstraraðila bent á að koma upp skráningarblöðum fyrir þjálfun starfsmanna. Í úrbótaáætlun segir að fræðsluskra sé haldin af fræðslustjóra Vegagerðarinnar ásamt starfsþróunaráætlun. Unnið sé að námskeiði um móttöku og afgreiðslu biks sem tilbúið verði þegar endurskoðaðar verklagsreglur og vinnulýsing fyrir biktankana verði gefnar út ásamt viðbótum í starfsþróunaráætlun.  
*Vinnulýsingar og verklag hefur verið kynnt fyrir starfsmönnum og staðfesting á þjálfun starfsmanns hefur verið send stofnuninni. Fráviki lokað.*
3. Ein ábending var sett í eftirlitinu árið 2024 um að huga þurfi að frágangi á lóðinni að loknum framkvæmdum vegna hreinsunar eftir óhapp við löndun biks. Búið er að hreinsa eftir óhappið og ganga frá lóðinni. Ábendingu lokað.
4. Gr. 2.4 í starfsleyfi. Virkni olíuskilja skal yfirfarin a.m.k. á sex mánaða fresti. Virkni olíuskiljunnar var síðast yfirfarin árið 2023.  
*Nýjar mælingar verða framkvædar á olíuskiljunni fyrir 15. Apríl 2026. Rekstraraðili upplýsir stofnunina um niðurstöður um leið og gögn berast. Niðurstöður verða einnig skráðar í rekstrarhandbók.*
5. Gr. 3.1 í Starfsleyfi. Skrá skal upplýsingar og skulu skráningar gerðar í rekstrarhandbók og vera aðgengilegar eftirlitsaðila. Skráningar eru ekki gerðar fyrir: a) Viðhald, eftirlit

og bilanir í mengunarvarnabúnaði, þar með taldar þrær, olíuskiljur og yfirferð á virkni olíuskilja, b) Magn og gerð spilliefna sem skilað hefur verið til móttökustöðvar, Mengunaróhöpp og viðbrögð við þeim.

*Ný rekstrarhandbók er komin í notkun. Dæmi um skráningar verða sendar UOS fyrir 15. Maí 2026 til staðfestingar á bættum skráningum.*

6. Gr. 13 í reglugerð 884/2017 um varnir gegn olíumengun frá starfsemi á landi. Lokar á löndunarlögnum, undantöppunarlögnum og öðrum olíulögnum sem opnast út í mengunarvarnir í olíubirgðastöðvum skulu ávallt vera lokaðir og læstir þegar þeir eru ekki í notkun. Rekstraraðili gat í eftirlitinu ekki svarað hvort lokinn væri opinn eða lokaður.

*Settar verða upp merkingar á loka til að augljóst sé hvort loki sé opinn eða lokaður. Lokið 15. Mars 2026.*

## Umhverfis- og orkustofnun fellst á úrbótaáætlun rekstraraðila en úrbætur verða teknar út í næsta eftirliti stofnunarinnar.

Verði frávikum ekki lokið eða ef áætlun um úrbætur gengur ekki eftir mun Umhverfis- og orkustofnun halda áfram með eftirfylgni þar sem frá var horfið.

Umhverfis- og orkustofnun bendir á að bréf þetta verður birt á heimasíðu stofnunarinnar.

Virðingarfyllst,

**Kristín Kröyer**

Teymi eftirlits

**Ágúst Már Sigurðsson**

Lögfræðingur teymi eftirlits